



趙天樂選唐二妙集目錄

賈長江

山中道士

題皇甫荀藍田廳

憶吳處士

送李騎曹

送覺興上人歸中條山兼謁河中李司空

南池

送天台僧

送安南惟鑒法師

旅遊

寄賀蘭朋吉

哭孟郊

送耿處士

懷紫閣隱者

題李疑幽居



訪李甘原居

僻居無可上人相訪

題青龍寺鏡公房

送陳判官赴天德

送唐瓌歸敷水莊

送馭法師

寄錢庶子

寄武功姚主簿

早春題友人湖上新居

泥陽館

送徐貞外赴河中

寄毗陵徹公

宿孤館

宿山寺

題行谷上人院

寄江上人

暮過山村

寄魏少府

送杜秀才東遊

送賀蘭上人

哭柏巖禪師

送鄆明府遊靈武

寄白閣默公

雨後宿劉司馬池上

送田卓入華山

過唐校書書齋

寄董武

荒齋

冬夜

送厲宗上人

贈無懷禪師

偶作

寄顧非熊

送慈恩寺霄韻法師謁太原李司空

題章博士新居

孟軻逸人

晚晴見終南諸峯

送友人遊蜀

訓姚校書

喜李餘自蜀至

寄無可上人

昇道精舍南臺對月寄姚合

秋夜望月懷錢孟二公琴客會

贈李金州

聖晴晚望

元日女道士受籙

宿成湘林下

寄宋州田中丞

靈準上人院

送皇甫侍御

南齋

雨中懷人

送友人葉官遊江左

新年

重與彭兵曹

贈莊上人

送胡道士

處州李使君改任遂州因寄贈

訓慈恩寺文郁上人

早秋寄題天竺靈隱寺

上邠寧邢司徒

田將軍書院

投龐少尹

渡桑乾

題隱者

經蘇秦墓

三月晦日贈劉評事

寄遠

姚少監

送狄尚書鎮太原

送楊尚書祭西嶽

送劉詹事赴壽州

閑居

送雍陶遊蜀

送喻息校書歸毗陵

送進士田卓入華

送薛右司赴處州

送少府田中丞入西蕃

送宋慎言

送潘傅歸宣州

送韋瑤校書赴越

送雍陶及第歸觀

別李餘

寄賈島

寄杜師義

寄王度居士

春日早朝寄劉起居

秋日寄李支使

寄紫閣新羅無名頭陀

寄華州崔中丞

贈劉義

寄終南傅山人

寄元緒上人

寄白閣默然

秋日即事寄祕書賈少監

寄主客劉員外禹錫

寄白石師

寄賈島

萬年縣中兩夜會宿寄皇甫旬

秋夜寄默然 題縱上人院

贈常州院僧 武功縣中作

閑居 假日書呈院中司徒

寒食 原上新居

杭州郡齋南亭 郡中西園

山中述懷 種葦 題宣義池亭

題琴詩臺 過楊處士幽居

題山寺 遊春

過雲花寶上人院

又

客遊旅懷 天津橋晴望

裴考功厲察院同遊 吳天玄都觀

秋宿縣中 會將作崔監東園

和裴結端公早朝

和裴令公遊南莊憶白二十韋二賓客

和厲玄無可會宿見寄

謝秦校書與無可上人見訪

九日憶硯山舊居 書縣丞舊廳

揚州春 從軍

敬宗挽詞

文宗挽詞

哭硯山孫道士

哭賈島

喜喻鳧至

喜雍陶秋夜訪宿

喜賈島至

賈島雨中訪宿

馬戴冬夜見過期無可不至

尋僧不遇

送李侍御過夏州

送鄭尚書赴興元

送無可上人遊邊

送董正字武歸常州觀親

送王龜處士

送杜玄歸蜀

送僧默然

送敬法師歸福州

寄默然

李頰幽居

聞蟬寄賈島

春日閑居

和膳部李郎中秋夕

寄張司業籍

秋夕遣懷

遊杏溪蘭若

金州書事寄山中舊友

題鶴雛

訓揚汝士尚書喜人移居

訓田卿書齋即事見寄

城南僧院

謝光祿田卿末伏見寄

寄賈島洛下夜會

送劉禹錫郎中赴蘇州

送崔約下第歸揚州

無可上人遊越

送林史君赴邵州

送源中丞赴新羅

送陳稠赴江寧從事

送汴州令狐楚相公

寄東都白賓客

寄崔之仁山人

罷武功縣將入城

莊居即事

將歸山

薛十二池亭

田將軍宅

崔駙馬宅

曉望華清宮

遊天台上方

采松花

寄靈一律師

草閣

莓苔

石潭

寄李餘卧疾

拾得古硯

二妙集

沐人趙

師考

紫芝編

賈長江

賈姓島名浪仙字范陽人其先自周康王封少子建侯於賈因而氏焉誼則漢太傅演則晉尚書島初為浮屠名無本來東都時洛陽令禁僧午後不得出島為詩自傷韓愈憐之因教其為文遂去浮屠舉進士當其苦吟雖逢值公卿貴人皆不之覺也一日見京兆尹跨驢不避尹諄詰之久乃

得釋累舉不中第文宗時坐飛謗貶長江
主簿會昌初以普州司倉遷司戶參軍

山中道士

頭髮梳千下休糧帶瘦容養雛成大鶴種子作
高松白石通宵煮寒泉盡日春不曾離隱處那
得世人逢

旅遊

此心非一事書札若爲傳舊國別多日故人無
少年空巢霜葉落踈牖水螢穿留得林僧宿中
宵坐默然

題皇甫荀藍田廳

任官經一年縣與玉峯連竹籠拾山果瓦甌擔
石泉客歸秋雨後印鎖暮鐘前久別丹陽浦時
時夢釣船

寄賀蘭朋吉

往往東林下花香似火焚故園從小別夜雨近
秋聞野菜連寒水枯株簇古墳泛舟同遠客尋
寺入幽雲斜日扉多掩荒田徑細分相思蟬幾
處偶坐蝶成羣會宿曾論道登高省議文苦吟
遙可想邊葉向紛紛

半夜長安雨燈前越客吟孤舟行一月萬水與
千岑島嶼夏雲起汀洲芳草深何當折松葉拂
石剝溪陰

哭孟郊

身死聲名在多應萬古傳寡妻無子息破宅帶
林泉塚近登山道詩隨過海船故人相吊後斜
日下寒天

送李騎曹

歸騎雙旌遠懽生此別中蕭關分磧路嘶馬背

寒鴻朔色晴天北河源落日東賀蘭山頂草時
動卷帆風

送覺興上人歸中條山兼謁河中李司空

又憶西巖寺奈原草白時山尋樵徑上人到聖
房遲暮磬潭泉凍荒林野燒移聞師新譯偈說
擬對旌麾

南池

蕭條微雨絕荒岸抱清源入舫山侵塞分泉稻
接村秋聲依樹色月影在蒲根淹泊方難遂他

宵關夢魂

送耿處士

一瓶離別酒未盡即言行萬水千山路孤舟幾
月程川原秋色靜蘆葦晚風鳴迢遞不歸客人
傳虛隱名

送天台僧

遠夢歸華頂扁舟背嶽陽寒蔬修淨食夜浪動
禪床鴈過孤峯晚猿啼一樹霜身心無別念餘
習在詩章晚一作燒

懷紫閣隱者

寂寥思隱者孤獨坐秋霖梨栗猿喜熟雲山僧
說深寄書應不到結伴擬同尋廢寢方終夕迢
迢紫閣心

送安南惟鑒法師

講經春殿裏花繞御床飛南海幾迴過舊山臨
老歸潮搖蠻草落月濕島松微空水既如彼往
來消息稀第五六句一云觸風香損印雷雨聲
第七句亦作雲水路迢遞

題李疑幽居

閑居少隣並草徑入荒園鳥宿池中樹僧敲月
下門過橋分野色移石動雲根暫去還來此幽

期不負言

訪李甘原居

原西居處靜門對曲江開石縫銜枯草查根上
淨苔翠微泉夜落紫閣鳥時來仍憶尋淇岸同
行采蕨迴上淨苔一作漬古苔

僻居無可上人相訪

自從居此地少有事相關積雨荒隣圃秋池照
遠山硯中枯葉落枕上斷雲閑野客將禪子依
依徧往還

題青龍寺鏡公房

一夕曾留宿終南搖落時孤燈岡舍掩殘磬雪
風吹樹老因寒折泉深出井遲踈慵豈有事多
失上方期

送陳判官赴天德

將軍邀入幕束帶便離家身暖蕉衣窄天寒磧
日斜火燒岡斷葦風卷雪和沙絲竹豐州有春
來祗欠花葦一作草

送唐瓌歸敷水莊

毛女峯當戶日高頭未梳地侵山影掃葉帶露
痕書松迳僧尋廟沙泉鶴見魚一川風景好恨

不有吾廬

廟一作藥

送馭法師

度歲不相見，嚴冬知出關。
孤煙寒色樹，高雪夕陽山。
瀑布寺應到，牡丹房甚閑。
南朝遺迹在此，去幾時還。

寄錢庶子

曲江春水滿北岸，掩柴關。
祇有僧隣舍，全無物映山。
樹陰終日掃，藥債隔年還。
猶記聽琴夜，寒燈竹屋間。

寄武功姚主簿

居枕江沱北，情懸渭曲西。
數宵曾夢見，幾處得書批。
驛路穿荒坂，公田帶淤泥。
靜棊功奧妙，閑作韻清淒。
鋤草留叢藥，尋山上石梯。
客迴河水漲，風起夕陽低。
空地苔連井，孤村火隔溪。
卷簾黃葉落，鎖印子規啼。
隴色澄秋月，邊聲入戰鼙。
會須過縣去，况是屢招携。

早春題友人湖上新居

門不當官道，行人到亦稀。
故從食後出，多是夜深歸。
開篋收詩卷，掃牀移卧衣。
幾時同買宅，相送有柴扉。

泥陽館

客愁何併起暮送故人迴廢館秋螢出空城寒
雨來夕陽飄白露樹影掃青苔獨坐離容慘孤
燈照不開

送徐負外赴河中

原野正蕭瑟中間分散情吏從甘扈罷詔許朔
方行邊日沉殘角河關截夜城雲居閑獨往長
老出房迎

寄毗陵徹公

身依吳寺老黃葉幾迴看早講林霜在孤禪隙

月殘井通潮浪遠鐘與角聲寒已有南遊約誰
言禮謁難

宿孤館

落日投村戍愁生為客途寒山晴後綠秋月夜
來孤橘樹千株在漁家一半無自知風水靜舟
繫岸邊蘆

宿山寺

衆岫聳寒色精廬向此分流星透疎木走月逆
行雲絕頂人來少高松鶴不羣一僧年八十世
事未曾聞

題竹谷上人院

禪庭高鳥道迴望極川原
樵徑連峯頂石泉通
竹根木深猶積雪山淺未聞猿
欲別塵中苦願師貽一言

寄江上人

紫閣舊房在新家中岳東烟波千里隔消息
一朝通寒日汀洲路秋晴島嶼風分明
杜陵葉別後雨經紅雨一作雨

暮過山村

數里聞寒水山家少四隣
恠禽啼曠野落日恐

行人初月末終夕邊烽不過秦
蕭條桑柘外烟火漸相親

寄魏少府

來時垂面別終日使人慙
易記卷中句難忘燈下談
濕苔粘屐布濺房菴音信如相惠
移居古井南

送杜

東遊誰見待盡室寄長安
別夜葉頻落去程山已寒
大河風色渡曠夜燒烟殘
匣有青銅鏡時照鬢看別夜一作別後

送賀蘭上人

野僧來別我，略坐傍泉沙。
遠道擎空鉢，深山踏落花。
無師禪自解，有格句堪誇。
此去非緣事，孤雲不定家。

哭柏巖禪師

苔覆石床新，師曾占幾春。
寫留行道影，焚却坐禪身。
塔院關松雪，經房鏤隙塵。
自嫌雙淚下，不是解空人。

送鄒明府遊靈武

曾宰西畿縣，三年馬不肥。
債多憑劍與，官滿載

書歸邊，雪藏行徑林。
風透卧水靈州，聽曉角客館未開扉。

寄白閣默公

已知歸白閣，山遠晚晴看。
石室人心靜，冰潭月影殘。
微雲分片滅，古木落薪乾。
後夜誰聞磬，西峯絕頂寒。

雨後宿劉司馬池上

藍溪秋漱玉，此地漲清澄。
蘆葦聲兼雨，芰荷香遠燈。
岸頭秦古道，亭面漢荒陵。
靜想泉根本，幽崖幾層。

送田卓入華山

幽深足暮蟬驚覺石床眠瀑布五千仞草堂瀑
布邊壇松洎滴露嶽月沉寥天鶴過君須看上
頭應有仙

過唐校書書齋

池滿風吹竹時時得爽神聲齊雛鳥語畫卷老
僧真月出行幾步花開到四隣江湖心自切未
可挂頭巾

寄董武

雖同一城裏少省得從容門掩園林僻日高中

憤慵孤鴻來半夜積雪在諸峰正憶毗陵客聲
聲隔水鐘

荒齋

草合逕微微終南對揜扉晚涼踈雨絕初曉遠
山稀落葉無青地閑身著白衣朴愚由本性不
是學忘機

冬夜

羈旅復經冬瓢空盞亦空決流寒枕上跡絕舊
山中凌結浮萍水雪和衰柳風曙光雞未報嘹
唳兩三鴻

送厲宗上人

擁策背岷峨終南雨雪和漱泉秋鶴至禪樹夜
猿過高頂白雲盡前山黃葉多曾吟廬嶽上月
動九江波

贈無懷禪師

自從劫劫修果以此生周禪定石床暖月移山
樹秋捧盂觀宿飯敲磬過清流不捨玄關路教
人問到頭

偶作

野步隨吾意那知是與非稔年時雨足閏月暮

蟬稀獨樹依岡老遙峯出草微園林自有主宿
鳥且同歸

寄顧非熊

知君歸有處山水亦難齊猶去瀟湘遠不聞猿
狖啼穴通茆嶺下潮滿石城西獨立生遙思秋
原日漸低

送慈恩寺霄韻法師謁太原李司空

何故謁司空雲山知幾重磧遙來鴈盡雪急去
僧逢清磬先寒角禪燈徹曉烽舊房閑片石倚
高松

題章博士新居

青楓何不種林在洞庭村應為三湘遠難移萬
里根斗牛初過伏菡萏欲香門舊即湖山隱新
廬葺此原

孟軻逸人

孟君臨水居不食水中魚衣褐唯麤帛篋箱祗
素書樹林幽鳥戀世界此心踈擬掉孤舟去何
峯又結廬

晚晴見終南諸峯

秦分積多峯連巴勢不窮半旬藏雨裏此日到

窻中圓魄將升兔高空欲叫鴻故山思不見碣

石沈寥東

空一作虛

送友人遊蜀

萬岑深積翠路向此中難欲暮多羈思因高莫
遠看卓家人寂寞揚子業凋殘唯有岷江水悠
悠帶月寒

酬姚校書

因貧行遠道得見舊交遊美酒易傾盡好詩難
卒酬公堂朝共到私第夜相留不覺入關晚別
來林下秋

喜李餘自蜀至

迢遞岷峨外西南驛路高幾程尋險棧獨宿聽
寒濤白鳥飛還立青猿斷更號往來從此過詞
體近風騷

寄無可上人

僻寺多高樹涼天憶重遊磬過溝水盡月入草
堂秋穴蟻苔痕靜藏蟬栢葉稠名山思徧徃早
晚到嵩丘

昇道精舍南臺對月寄姚合

月向南臺見秋霖洗滌餘出逢危葉落靜益衆

峯踈冷露尋時有禪窓此夜虛相思聊悵望潤

氣徧衣初益一作谷

秋夜望月懷錢孟二公琴客會

月色四時好秋光君子知南山昨夜雨為我寫
清規獨鶴聳寒骨高移韻細颺僊家縹緲弄仿
佛此中期

贈李金州

綺里祠前後山程踐白雲沂流隨大旆登岸見
全軍曉角吹人夢秋風卷鴈羣霧關方露日漢
水底沙分

雪晴晚望

倚杖望晴雪溪雲幾萬重
樵人歸白屋寒日下
危峯野火燒岡草斷烟生古松却迴山寺路聞
打暮天鐘

元日女道士受籙

元日天新夜齋身稱淨衣
數星連斗出萬里斷
雲飛霜下磬聲在月高壇影微
立聽師語了右
肘繫符歸

宿成湘林下

相訪夕陽時千株木未衰
石泉出幽谷山雨滴

栖鴟漏向燈聽數君因客寢
遲今宵不盡興更

有月明期出幽谷一作流出谷

寄宋州田中丞

古郡近南徐關河萬里餘
相思深夜後未答去
秋書自別知音少難忘識面初
舊山期已久門
掩數畦蔬

靈準上人院

掩扉當太白臘數等松椿
禁漏來遙夜山泉落
近隣經聲終卷曉草色幾芽春
海內知名士交
遊準上人

送皇甫侍御

曉鐘催早朝自是赴嘉招舟泊襄江闊田收楚澤遙鴻驚起衰草徠渴下寒條來使黔南日時應問寂寥

南齋

獨自南齋卧神閑景亦空有山來枕上無事到心中簾卷侵床月屏遮入座風望春春未至應在海門東

雨中懷人

對雨思君子嘗茶近竹幽儒家鄰古寺不到又

逢秋

送友人棄官遊江左

羨君休作尉萬事且全身囊海多虞日江湖獨往人姓名何處變鷗鷺幾時親別後吳中使應須訪子真鷺一作鳥

新年

嗟以龍鍾貌如何歲復新石門思隱久銅鏡強窺頻花發新移樹心知故國春誰能平此恨豈是北宗人兒一作身

重與彭兵曹

故人在城裏，依寄海邊書。漸去老不遠，別來情
豈踈。硯冰催臘日，山雀到貧居。羨有平戎策，官
蒙別勅除。策一作計

贈莊上人

不語焚香坐，心知道已成。流年衰此世，定力見
他生。暮靈餘春冷，寒燈續晝明。尋常五侯至，敢
望下堦迎。

送胡道士

短褐身披滿，清苔靈溪深。處觀門開，却從城裏
携琴去。許到山中寄藥來，臨水古壇秋醮罷。宿

杉幽鳥夜飛迴，丹梯願逐真人上。日少歸心白
髮催。

處州李使君改任遂州因寄贈

庭樹幾株陰入戶，主人何在客聞蟬。鑰開原上
高樓鏤，瓶汲池東古井泉。趁靜野禽曾後到，休
吟隣叟始安眠。仙都山水誰能憶，西去風濤書
滿船。

酬慈恩寺文郁上人

袈裟影入禁池清，猶憶鄉山近赤城。籬落鏗間
寒蟹過，莓苔石上晚蛩行。期登野閣閑應甚，阻

宿幽房疾未平聞說又尋南嶽去無端興思忽
然生

早秋寄題天竺靈隱寺

峯前峯後寺新秋絕頂高窻見沃洲人在定中聞
蟋蟀鶴曾栖處挂獼猴山鐘夜度空江水汀月
寒生古石樓
心憶懸帆身未遂謝公此地昔年
遊

上邠寧邢司徒

箭頭破帖渾無敵杖底敲毬遠有聲馬走千蹄
朝萬乘地分三郡擁雙旌春風欲盡山花發曉

角初吹客夢驚不是邢公來鎮此長安西北未
能行

田將軍書院

滿庭花木半新栽石自平湖遠岸來笋迸隣家
還長竹地經山兩幾層苔井當深夜泉微上閣
入高秋戶盡開行背曲江誰到此琴書鎖着未
朝回

投龐少尹

閉戶息機搔白首中庭一樹有清陰年年不改
風塵趣日日轉多泉石心病起望山臺上立覺

來聽雨燭前吟龐公相識元和歲眷分依依真
至今

渡桑乾

客舍并州已十霜歸心日夜憶咸陽無端更渡
桑乾水却望并州是故鄉

題隱者居

雖有柴門長不關片雲孤木伴身閑猶嫌住久
人知處見擬移家更上山

經蘇秦墓

沙埋古篆折碑文六國興亡事繫君今日淒涼

無處說亂山秋盡有寒雲

三月晦日贈劉評事

三月正當三十日風光別我苦吟身共君今夜
不須睡未到曉鐘猶是春

寄遠

別腸多鬱紆豈能肥肌膚始知相結密不及相
結踈踈別恨應少密離恨難祛門前南流水中
有北飛魚魚飛向滄溟可以寄遠書不惜寄遠
書故人今在無况此數尺身阻彼萬里涂自非
日月光何以知子軀漢何一作北滄

姚少監

姚姓合名開元宰相崇曾孫元和中進士
及第調武功尉善詩世號姚武功遷監察
御史累轉給事中歷陝虢觀察使秘書少
監杭州刺史嘗選唐詩二十三家一百首
為極玄集女妻睦州壽昌詩人李頻

送狄尚書鎮太原

授鉞儒生貴傾朝赴餞筵麾幢官在省禮樂將
臨邊代馬龍相雜汾河海暗連遠戎移帳幙高
鳥避旌旃天下屯兵處皇威破虜年防秋嫌壘

近入塞必身先中外恩重疊科名歲接聯散材
無所用老向鎖闥眠

送揚尚書祭西嶽

報功嚴祀典寵詔下明庭酒氣飄林嶺香烟入
杳冥樂清三奏備詞直百神聽衣拂雲霞濕詩
通水石靈何因逐駟騎暫得到巖扃

送劉詹事赴壽州

殷勤莫遽起四坐悉同袍世上詩難得林中酒
更高隋堤傍楊柳楚驛在波濤別後書頻寄無
辭費筆毫

閑居

日日門長閉鄰家亦懶過頭風春飲苦眼暈夜
書多幽鳥偏栖竹凡人笑種莎近來難得酒無
計奈愁何

送雍陶遊蜀

春色三千里愁人意未開木梢穿棧出雨勢隔
江來荒館因花宿深山羨客迴相如何物在應
只有琴臺勢一作氣

送喻鳧校書歸毗陵

主人庭葉黑詩藁更誰書闕下科名出鄉中賦

籍除山春烟樹衆江晚遠帆踈吾亦家吳者無
因到弊廬一作帆踈江遠

送進士田卓入華山

何物隨身去六經與一琴辭家計已久入谷住
應深偶坐僧同石閑書葉滿林業成須謁帝無
貯白雲心第四句一作住谷跡應深

送薛右司赴處州

懷中天子書腰下使君魚瀑布和雲落僊都與
世踈遠程兼水陸半歲在舟車相送難相別南
風入夏初

送少府田中丞入西蕃

蕭關路絕文石堠亦為塵護塞空兵帳和戎在
使臣風沙去國遠雨雪換衣頻若問涼州事涼
州多漢人

送宋慎言

童稚便知聞如今抵有君百篇詩盡和一盞酒
須分驛路多連水州城半在雲離情同落葉向
晚更紛紛

送潘傳歸宣州

李白墳三尺嗟峨萬古名因君還故里為我吊

先生晴日移虹影空山出鶴聲
老郎閑未得無計此中行

送韋瑤校書赴越

寄家臨禹穴乘傳出秦關
霜落橘蒲地潮來帆近山
相門賓益賁水國事多閑
晨省高堂後餘權杯酒間

送雍陶及第歸覲

獻親冬集書比橘復何如此
去關山遠相思笑語踈路
尋青磴斷人近白雲
君幽石題名處憑君亦記余

青一作冊
記一作紀

別李餘

病童隨瘦馬難算往來程
野寺僧相送河橋酒滯行
足愁無道性文客會人情
何計羈窮盡同居不出城

寄賈島

漫向城中住兒童不識錢
甕頭寒絕酒甕額冷無烟
狂發吟如哭愁來坐似禪
新詩有幾首旋被衆人傳

漫一作雖
曉衆一作冷
一作世

寄杜師義

出處難相見同城似異鄉
點兵尋戶籍燒藥試

僊方事較千般別心還一種忙黃金如化得相
寄亦何妨作相寄一

寄王度居士

顛顛王居士顛狂不稱時天公與貧病時輩復
輕欺茅屋隨年借盤食逐日炊棄嫌官似夢珍
重酒如師無竹栽蘆看思山疊石為靜窓留客
話古寺覓僧碁瘦馬寒末死羸童餓得癡唯應
尋院籍心事遠相知借一作墳
炊一作移

春日早朝寄劉起居

九衢寒霧斂雙闕曙光分絲伏迎春日香烟接

瑞雲珮聲清漏間天語侍臣聞莫笑馮唐老還
來謁聖君

秋日寄李支使

秋思朝來起侵人暑稍微曉眠離北戶午飯尚
生衣山靜雲初白枝高果漸稀聞君家海上莫
與燕同歸

寄紫閣新羅無名頭陀

峭行得如如誰分聖與愚不眠知夢妄無號免
人呼山海法皆遍華夷佛豈殊何因接師話清
淨在斯須法一

寄華州崔中丞

蓮華峯下郡仙洞亦難勝
閭里蒼苔水虛空
濕布冰酒香和藥熟
山峭過雲登
清淨黎人泰
唯憂急詔徵

贈劉義

自君離海上垂釣更何人
獨宿空堂雨閉行九陌
塵避時曾改姓
採難似嫌身
何處相期宿咸陽
酒市春改一作變

贈終南傅上人

七十未成事終南蒼鬢翁
老來詩興若貧去酒

腸空蟠螫身仍病鵬搏力未通
已無燒藥本惟有著書功
白馬時何晚青龍歲欲終
生涯招葉下家口亂雲中
潭靜魚驚水天晴鶴咲風
悲君還姓傳獨不夢高宗

寄元緒上人

石窓紫蘚墻此世此清涼
研露題詩索銷冰
煮茗香閑雲春影薄
孤磬夜聲長
何計休為吏從師老草堂

寄白閣默然

白閣峯頭雪城中望亦寒
高僧多默坐清夜到

明看世上無諸苦林中只一食嘗聞南北教所得比師難

秋日即事寄秘書竇少監

秋氣日騷騷星星雙鬢毛凉天吟自遠清夜夢還高林下期同去人間共是勞頭中何所互且漉菰頭糟

寄主客劉員外禹錫

蟬稀虫唧唧露重思悠悠靜者多便夜豪家不見秋同歸方欲就微恙幾時瘳今日滄江上何人理釣舟一作就遂

寄白石師

白石師何在師禪白石中無情雲可比不食鳥難同履下蒼苔雪龕前瀑布風相尋未有計只是禮虛空

寄賈島

踈拙抵如此此身誰與同高情向酒上無事在山中漸老病難理又貧吟益空賴君時訪宿不避北齋風

萬年縣中雨夜會宿寄皇甫旬

縣齋還寂寞夕雨洗蒼苔清氣燈微潤寒聲竹

共來出移上塔近人起到門迴想得吟詩處應
當對酒杯人起一作客起
應當一作准應

秋夜寄然

霜月靜幽居閑吟夢覺初秋深夜迢遞年長意
蕭疎海上歸難遂人間事盡虛賴君方便語漸
得識真如

題縱上人院

營營是與非前樂後還悲今世已如此他生願
似師禪房空且暮畫壁半陳隨遠竹蒼苔跡幽
人來是誰竹徑一作徑

贈常州院僧

一住毗陵寺師應孤信緣院貧人施食窓靜鳥
窺禪古磬聲難盡秋燈色更鮮仍聞開講日湖
上少漁舡

武功縣中作

一日看除目終年損道心山宜衝雪上詩好帶
風吟野客嫌知印家人笑買琴只應隨分過已
是錯彌深一作已定
曉鍾驚睡覺是事便相關小市柴薪貴貧家砧
杵閑讀書多旋忘賒酒數空還長羨劉伶輩高

眠出世間

是事一作事事

客至皆相笑詩書滿卧床愛閑求病假因醉棄
官方鬢髮寒惟短衣衫瘦漸長自嫌多檢束不
似舊來狂

自下青山路三年着綠衣官卑食肉借才短事
人非野客教長醉高僧勸却歸不知何計是免
與本心違

閉門風雨裏落葉與堦齋野客嫌杯小山翁喜
枕低聽琴知道性尋藥得詩題誰更能騎馬閑
行只杖藜

假日多無事誰知我獨忙移山入縣宅種竹上
城牆驚蝶遺花蘂遊蜂帶蜜香唯愁明早出端
坐吏人傍

朝朝門不閉長似在山時賓旅抽書讀兒童研
竹騎父貧還易老多病懶能醫道交應相怪休
官日已遲

長憶青山下深居逐性情壘堦溪石淨燒竹竈
烟輕點筆圍雲勢彈琴學鳥鳴今朝知縣印夢
裏百憂生

鳴一作聲

閑居

不自識踈鄙終年住在城過門無馬跡蒲宅是
蟬聲帶病吟雖苦休官夢已清何當學禪觀依
止古先生

終年城裏住門戶似山林客怪身名晚妻嫌酒
病深寫方多識藥失譜廢彈琴文字非經濟空
虛用破心

假日書呈院中司徒

十日公府靜中柳起清晨寒蟬近衰柳古木似
高人學佛寧憂老為儒自喜負海山歸未得芝
朮夢中春

寒食

今朝一百五出戶雨初晴舞愛雙飛蝶歌聞百
轉鶯江深青草岸花滿白雲城為政多孱懦應
無酷吏名

出城煙火少况復是今朝閑坐將誰語臨觴只
自謠堦前春蘚遍衣上落花飄伎樂州人戲使君
心寂寥

原上新居

秋來梨果熟行哭小兒飢鄰富雞長往莊貧客
漸稀借牛耕地晚賣樹幼錢遲墻下當官道依

前夾竹籬

莊家一作

杭州郡齋南亭

符印懸腰下東山不得歸
獨行南北近漸老往還稀
迸笋侵窓長驚蟬出樹飛
田田池上葉嘗是使君衣

郡中西園

西園春欲盡芳草逕難分
靜語唯幽鳥閑眠獨使君
蜜林生雨氣石帶潮文雖去
清秋遠朝朝見白雲

山中述懷

為客又未歸寒山獨掩扉
曉來山鳥散雨過杏花稀
天遠雲空積溪深水自肥
此情對春色盡恣欲忘機

肥一作微

種葦

欲種數莖葦出門來往頻
近陂收本土選地問幽人
靜看惟思長初移未覺勻
坐中尋竹客將去更逡巡

題琴詩臺

幽鳥蘚層^層詩人日日登
坐危石是塌吟苦唾成冰
靜對惟秋水同來只老僧
竹枝題字處小

篆復誰能

題宣義池亭

春入池亭好風光煖更鮮尋芳行不用透勝坐
還遷細草亂如髮幽禽鳴似絃善文翻古篆石
色學秋天花落能漂酒萍開解避舡暫來猶愈
疾又住合成仙迸笋撐塔起重藤壓樹偏此生
應借看自買計無錢一作自計買無錢計一作謂

題山寺

千重山崦裏樓閣影參差未暇尋僧院先看置
寺碑竹深行漸暗石穩坐多特古塔出蛇善陰廊

鳥雀癡雲開上界近泉落下方遲為愛青桐葉
因題蒲樹詩

過楊處士幽居

引水穿風竹幽聲勝遠溪裁衣延野客剪翅養
山雞酒熟聽琴酌詩成削樹題唯愁春氣暖松
下雪和泥

過雲花寶上人院

九陌取幽寺吾師院復深煙霞同覆屋松竹雜
成林鳥語境彌寂客來機自沉早知知到此應
不帶朝簪霞一作霜

遊春

正月一日後尋春更不眠自知還近癖衆說過
於顛看水寧依路登山欲到天悠悠芳思起多
是晚風前

又

看春長不足豈更覺身勞寺裏花枝淨山中水
色高嫩雲輕似絮新草細如毛併起詩人思還
應費筆毫

嫩一
作懶

天津橋晴望

閑立津橋上寒光動遠林皇宮對嵩頂清洛貫

城心雪路初晴出人家向晚深自從王在鷓天
寶到如今

客遊旅懷

客行無定止終日路歧間馬為賒來貴僮因借
得頑詩書愁觸雨店舍喜逢山舊業嵩陽下三
年未得還

秋遊天壇

秋蟾流異彩齋潔上壇行天近星辰大山深世
界清仙飈石上起海月夜中明何計長來此閑
眠過一生

作月
日一

裴考功屬察院同遊昊天宮都觀

性同相見易紫府共閑行陰逕紅桃落秋壇白石生
蘇文連竹色鴈語應松聲風定藥香細樹深泉氣清
重簷靈草影逸壁古山名園外坊無禁歸時踏月明

秋宿縣中

鼓絕門方掩蕭條作吏心露垂庭際草螢照竹
問禽棊罷嫌無月曉遲聽盡砧還知未離此時
復更相尋

會將作崔監東園

墻北走紅塵墻東飛白雲山光衣上見藥氣酒
中聞此會誠堪惜窮秋日又醺人間惟有醉醉
後復何云

飛一作接

和裴結端公早朝

魚鑰千門啓雞人唱曉傳冕旒臨玉殿丞相入
爐烟列位同居左分行忝在前仰聞天語近俯
拜珮聲連絲仗祥光動彤庭霽色鮮威儀誰可
紀柱史有新篇

和裴令公遊南莊在憶白二十韋二賓客

四郊初雨歇高樹滴猶殘池蒲紅連濕雲收綠

野寬花開半山曉竹動數村寒闔雀翻衣袂驚
魚觸釣竿樽前多野客膝下盡即官斲石通泉
脉移松出藥攔關東分務重天下比功難半醉
思韋白題詩染絲翰

和厲玄無可會宿見寄

九衢難會宿况復是寒天朝客清貧老林僧默
悟禪眠遲銷漏水吟苦墮寒涎異日來尋我滄
江有釣舡

謝秦校書與無可上人見訪

道同無宿約三伏自從容
窓豁山侵座扇搖風

下松客來多遠竹僧飯只憑鍾
向晚分歸路莓苔行跡重

九日憶硯山舊居

硯一作硯

帝里閑人少誰同把酒杯
硯山籬下菊今日幾枝開
曉角驚眠起秋風引病來
長年歸思切更值鴈聲催

書縣丞舊廳

樓閣半山上人家
向下居古廳
眠易覺老吏語
多虛雨水澆荒竹
溪沙擁廢渠
聖朝收外府
皆是九天除

樓閣一作宮殿

揚州春

滿郭是春光街衢土亦香竹風輕履舄花露膩
衣裳谷鳥鳴還艷山夫到亦狂可憐遊賞地煬
帝國傾亡

從軍

朝朝十指痛惟署點兵符貧賤依前在顛狂一
半無身慚山友棄膽賴酒杯扶誰道從軍樂年
來鑷白鬚

敬宗挽詞

晚色啓重扉旌旗路漸移荆山鼎成日湘浦竹

班時臣子終身感山園七月期金莖看尚在承
露復何為晚一作曉

文宗挽詞

重拱開成化悖悖雅樂全千官方氣日四海忽
無天堯舜非傳子殷周但卜年聖功青史外刊
石在陵前

哭硯山孫道士

脩短皆由命暗懷師出塵豈知脩道者難免不
亡身永秘黃庭訣高懸漉酒中可憐白犬子閑
吠遠行人

哭買島

杳杳黃泉下嗟君向北行有名傳後世無子過
今生新暮松三尺空堦月二更從今舊詩卷人
覓寫應爭

喜喻亮至

欲出心還懶閑吟遠寢床道書虫食盡酒律客
偷將愁至多為病貧來減得狂見君何所以如
熱得清涼

喜雍陶秋夜訪宿

曉立侍爐煙夜歸蓬華眠露華明菊上螢影滅

燈前急漏和碁疊棲禽與葉連高人來此宿為
似在山巖

喜賈島至

布囊懸褰驢千里到貧居飲酒誰堪伴留詩自
與書愛眠知不醉省語似相踈軍吏衣裳窄還
應暗笑余

賈島雨中訪宿

雨裏難逢客閑吟不復眠虫聲秋併起林色夜
相連愛酒此生裏趨朝未老前終須携手去滄

海棹魚缸

馬詩
夜見過期無可不至

客來初夜裏藥酒自開封老漸多歸思賔唯長
病容若寒燈焰細近晚鼓聲重僧可還相捨深
居閉古松

尋僧不遇

入門愁自散不暇見僧翁花落煎茶水松生醒
酒風拂床尋古畫支策看新藁別進人見多疑
住此中支策一作杖刺

送李侍御過夏州

酬思不顧名走馬覺身輕迢遞河邊路蒼茫塞

上城沙寒無宿鴈虜近少閑兵飲罷揮鞭去傍
人意氣生

送鄭尚書赴興元

儒有登壇貴何人得此功紅旗燒密雪白馬踏
長風斧鉞來天上詩書理漢中方知百勝略應
不在彎弓

送無可上人遊邊

一鉢與三衣經行遠近隨出家還養母持律復
能詩春雪離京厚晨鐘近塞遲亦知蓮府客夜
坐喜同師

送董正字武歸常州親親
路歧知不盡離別自無窮
行客心方切主人樽
未空楚檣收月下江樹在
潮中人各還家去還家慶不同

送王龜處士

送客客為誰朱門處士稀
唯修曾子行不着老萊衣
古寺隨僧飯空林共鳥歸
壺中駐年藥燒得獻庭闈

送杜立歸蜀

迢遞三千里西南是去程
杜陵家已盡蜀國客

重行雪照巴江色風吹棧閣聲
馬嘶山稍暖人語店初明
旅夢心多感孤吟意不平
誰為李白後為訪錦宮城

意一作氣

送僧默然

出家侍母前至孝自通禪
伏日江頭別秋風檣下眠
鳥聲猿更促石色樹相連
此路多如此師行亦有緣

送敬法師歸福州

結得隨緣伴蟬鳴方出關
新經譯舊寺故園與誰還
齋為無鐘早心應罷講閑
東南數千里何

處不逢山

寄默然

晨食夜復眠日與月相連天下誰無病人間樂
是禪幾生通佛性一室但香煙結得無為社還
應有宿緣

李頻幽居

賃居求賤處深僻任人嫌蓋地花如毯當門竹
勝簾勸僧嘗藥酒教僕認書簽庭際山宜小休
令着石添認一作辯

聞蟬寄賈島

未秋吟便苦半咽半隨風禪客心應亂愁人耳

願聾兩晴高樹裏日晚古城中遠思聽難盡誰

當與我同第三四句一作禪客
聞心亂愁人願耳聾

春日閑居

居止日蕭條庭前惟藥苗身閑眠自久眼老視
還遙簷燕酬鶯語鄰花雜絮飄客來無酒飲搔
首擲空瓢

和膳部李郎中秋夕

浙浙復翛翛涼風似水流此生難免老舉世大
同悲螢影明苔蘚鴻聲傍斗牛猶分省署直何

日是歸休

寄張司業籍

日日在心中青山青桂藜
高人多愛靜歸路亦
應同罷吏方無病因僧亦解空
新詩勞見問吟
向竹間風

亦一作欲
一作對

春日

春來眠不得誰復念生涯
夜聽四鄰樂朝尋九
陌花輕烟浮草色微雨濯年華
乞假非關病朝
衣在酒家

秋夕遣懷

昨宵白露下秋氣滿山城
風勁衣中曉窻虛筆
墨輕臨書愛真跡避酒怕狂名
抵擬隨麋鹿悠
悠過一生

城南僧院

寺對遠山起幽居仍是師
斜陽通暗隙殘雪落
疎籬松靜鶴栖定廊虛鍾盡
遲朝朝趨府吏來
此是相宜

遊杏溪蘭若

踏草度溪灣晨遊暮不還
月明松影路春滿杏
花山巖狖跳林末高僧住
石間未肯離腰組來

此復何顏

金州書事寄山中舊友

安康雖好郡刺史是憨翁買酒終朝飲吟詩一
室空自知為政拙衆亦覺心公親事星河在憂
人骨肉同簿書嵐色裏鼓角水聲中井邑神州
接帆檣海路通野亭晴帶霧竹寺夏多風漑稻
長川白燒林遠岫紅舊山期已失芳草思何窮
林下無相笑男兒五馬雄一作度

題鶴雛

羽毛生未足嶮峭醜於雞夜夜穿籠出擣衣砧

上樓

足一作齊夜一作每夜

訓揚汝士尚書喜人移居

未得滄江外衰殘讀藥書聖朝優上秩仁里許
閑居樹對枝相接泉同井不踈州章深自鄙欲
寄復躊躇

訓田卿書齋即事見寄

幽齋琴思靜晚下紫宸朝舊隱同溪遠周行隔
品遥深槐蟬唧唧踈竹雨蕭蕭不足相尋懶煩
君舉酒瓢

訓光祿田卿末伏見寄

下伏秋期近還知扇漸疎驚飈墜林果暴雨落
江魚貴寺雖同扶閑曹只管書朝朝廊下食相
庇在着道

寄賈島洛下夜會

洛下工詩客相逢祇是吟夜觴懽稍靜寒屋坐
多深烏府偶為吏滄江長在心憶君難就寢燭
滅復星沉憶懷一作

送劉禹錫郎中赴蘇州

州城全是故吳宮香徑難尋古蘇中雲水計程
千里遠軒車送別九衢空鶴聲高下聽無盡潮

色朝昏望不同太守吟詩人自理山齋閑卧白
蘋風

送崔約下第歸揚州

滿坐詩人吟送酒離城此會亦應稀春風下第
時稱屈秋卷呈親自束歸日晚山花當馬落天
陰水鳥傍舡飛江邊道路多苔蘚塵土何由得
上衣

無可上人遊越

清晨相訪立門前麻履方袍一少年懶讀經文
求作佛願攻詩句覓昇僊芳春山影連花寺觸

夜潮聲月滿船今日送行偏惜別共師文字有
因緣

送林史君赴邵州

詔書飛下五雲間才子分符不等閑驛路筭程
多是水州圖管地少於山江頭斑竹應尋遍洞
裏丹砂自採還清淨化人人自理終朝無事更
相關

送源中丞赴新羅

赤墀賜對使殊方官重霜臺紫綬光玉節在舡
清海恠金函開詔拜夷王雲晴漸覺山川異風

便寧知道路長誰得似君將雨露海東萬里灑
扶桑

送陳稠赴江寧從事

一作
個

荆州勝事衆皆聞幕下今朝又得君才子河湏
藉科第男兒終久要功勳江村竹樹多於草山
路塵埃半是雲新集定知饒思景不應一向賦
從軍

籍一
守

寄汴州令狐楚相公

汴水從今不復渾秋風聲鼓動城根梁園臺館
關東少相府旌旗天下尊詩好四方誰敢和政

成三郡自無寬歲時詔下歸丹闕還領千官入
閣門

寄東都白賓客

闕下高眠過十旬南宮印綬乞離身詩中得意
吟千首海內嫌官只一人賓客分司真是隱山
泉逸宅豈辭貧竹齋晚起多無事惟到龍門寺
裏頻

寄崔之仁山人

不得之仁消息久秋來體色復何如痛持杯酒
判身病狂作文章信手書官職卑微從客笑性

靈閑雅向錢疎幾時身計渾無事揀取深山一

處居

痛持一作若將
身計一作家計

罷武功縣將入城

青衫脫下便狂歌種蕪栽蕪斲古坡野客相逢
添酒病春山暫上着詩魔亦知官罷貧還甚且
喜閑來睡得多欲與九衢親故別明朝拄杖始
經過

蕪一作李
一作桃

莊居即事

休看小字大書名向日持經眼却明時過無心
求富貴身閑不夢見公卿因尋岳寺葦辛斷自

到王城禮數生斜月照床新睡覺西風半夜鶴
來聲

將歸山

野人慣去山中住自到城來悶不勝宮樹蟬聲
多却樂侯門月色少於燈飢來唯擬重餐蕪歸
去還應只別僧聞道舊溪茆屋畔春風新上數
枝藤

薛十二池亭

每日樹邊消一日遠池行過又須行異花多是
非時有好竹皆當要處生斜立小橋看島勢遠

移幽石作泉聲浮萍着岸風吹歇水面無塵晚
更清

田將軍宅

焚香書院景風流菰草綠牆綠薜秋近砌別穿
澆藥井臨堦新起看山樓樓禽戀竹明猶在閑
客觀花夜未休好是暗移城裏宅清涼渾得似
江頭

崔駮馬宅

心在林泉身在城鳳凰樓下得閑名洞中見鑿
神僊路日裏猶燒煮藥鑄數樹異花皆勅賜並

筓脩竹自天生詩人多說離君宅不得青苔地
上行

曉望華清宮

曉看樓殿更鮮明遙隔朱欄見鹿行武帝自知
身不死教修玉殿號長生

遊天台上方

曉上上方高處立路人羨我此時身白雲向我
頭上過我更羨雲多路人

采松花

擬服松花無處學嵩陽道士忽相教今朝試上

高枝采不覺傾翻僊鶴巢

寄靈一律師

梵書抄律十餘紙淨院焚香獨受持童子病來
烟火絕清泉漱石過齋時

草閣

編草覆栢椽軒扉皆竹織閣成似僧居學僧居
未得有時公府勞還復來此息

莓苔

茆堂堦豈高數寸是苔蘚只恐秋雨中牕戶亦
不澱眼前無此物我情何由遣

石潭

曉向潭上行夕就潭邊宿清冷無波瀾
激激魚相逐釣公坐不起見我往來熟

寄李餘卧疾

窮節珍標我詎自云樂伊人嬰疾恙
所對唯若藥寂寞行稍稀清羸餐自薄
幽齋外浮事夢寐亦簡略雪戶掩復明
風簾卷還落方持數杯酒勉子同斟酌

拾得古硯

僻性愛古物終歲求不獲昨朝得古硯
黃河灘

之側念此黃河中應有昔人宅宅亦作流水斯
硯未變易波瀾所激觸背面生鏽隙質狀朴且
醜今人作不得捧持且驚嘆不敢施筆墨或恐
先聖人嘗用修六籍置之潔淨室一日三磨拭
大喜豪貴嫌久長得保惜



趙紫芝選編衆妙二妙二集世不一見今吾友
人顧大石仁效過訪次山秦思宋執是為贊次
山藏焉因假摹書寔為宋時刻本不易得也時
嘉靖丙申閏臘三寫緜石堂識

此為竹垞故籍毛斧考假而不歸既沒之二年伊子
雜售於湖船余以銀三錢得之康熙乙未秋小山
記

四十九

二集共計百十葉



